

Chentenarios in Sedilo

de Toninu Sanna

*Sa vid'est una roda sempr'in motu,
onz'annu in tundufaghet unu giru;
costante passat cun su carr'in tiru
bonos e malos tragand'a fiotu.
S'andanta faghet piotu-piotu,
su tempus signat ch'est sena regiru.
Cun totus tratat, cun totus resonai,
ma si li paret sa campana sonai.*

Est comente a narrer chi sa campana sonat a repicu cando li paret e piaghet, prò sos zovanos comente prò sos bezos, sian riccos o poveros, bonos o malos. Pro deghe personas chi sun naschias o sun bivias in Sedilo prò bona parte de sas dies insoro, sa roda de sa vida s'est firmada poi chi haiat fatu chentu giros, anzis, prò parizas hat sighiu a girare prò ateros annos ancora. Ammento cand'haiat lompiu sos chenf annos tzia Mariantonia Manca; fit s'annu millenoighentosessantunu. Totugantos sos Sedilesos fin ispantaos chi una persona esseret potziu brincare cuss'edade. Infatis nessuna in Sedilo prima de issa (a narrer de sos bezos de su tempus, e prò cantu resultai dae sos libros de sos Ufizios), fit arribau a biver gasi a longu. Oe ischimos chi tantos in Sedilo han brincau su Seculu e sos prus finzas in discreta salute. Faghimos un'elencu de sos chi hant tentu sa fortuna de brincare sos chenf annos, azunghinde a sos numenes finzas ateras informaciones prò los poder menzus amentare.

1. Manca Mariantonia, naschia in Sedilo su 14 'eFrearzu 1861 e morta su 15 'eFrearzu 1961 in Sedilo matessi. Fiuda de Diegu Cambone, si fit cojuada a sos deghennoe annos - Biviat in *Correla de sa costa* (oe *correla Fra Cosimo*).
2. Nieddu Salvatore (tziu Bore Nieddu), naschiu in Sedilo su 29 'e Austu 1868 innue est mortu su 24 'e Nadale 1968. Fiudu de Peppantonia Putzulu, et biviu gasi semper in *Rughes de*

Istrada, ma mortu in *correla Mozzini* (antigamente *correla Anna*) in domo de unu de sos fizos.

3. Deriu Maria Lucia (dae totugantos connota comente tzia Lughia Marini), fit naschia in Tresnuraghes su 5 'e Frearzu 1868, ma morta in Sedilo su 26 'e Nadale 1970. Fiuda de Franziscu Marini biviat in *correla Zonchello* fantigamente numenada *correla Niola*.
4. Carta Salvatorica (tzia Boredda Carta), naschia in Sedilo su 26 de Cabudanni 1874 e morta in Sedilo matessi su 4 de Maju 1975. Fiuda de Sarbadore Manca est semper biviat in *correla Carlo Alberto* (antigamente *correla istrinta*, poi *istradane nou*).
5. Putzolu Giovanni Costantino (dae totucantos connotu tziu Tinu Pantaleo), est naschiu in Sedilo su 23 de Sant'Andria 1876 e mortu in Biddanoa Monteleone su 24 'e Nadale 1979. Cojuau a Illorai, sa pobidda si naraiat Sofia Lisci, ma est isfiudau sende ancora zovanu. Hat tentu una fiza chi dae pizina est emigrada in America. Tziu Tinu est biviu prò calchi annu in *Correla Colombo* fantigamente *correla Noa*, poi in *Cursu Eleonora* e *correla Dottori*, ma podimos narrer cun seguresa chi non teniat dimora fissa. Infatis fit semper a ziru peri sas biddas anzenas, o carrande oz'er manu dae sa Pranarza o ateras mercanzias, o faghinde su trubadore de

bestiamene peri sas fieras de totaganta sa Sardigna. E narrer chi fit de pagu agguantu e si antaiat de no haer mai buffau nen binos nen licores e, finas poi de sos chent'annos faghiat ancora s'arbure in terra o in susu de calchi mesa. De issu naran (e paret chi su fatu siat suzessu cun seguresa) chi siat andau in s'uffiziu de sa Comuna prò si rinnovare sa Carta de Identidade cando zai che teniat brincau dae parizos annos sa norantina. Tziu Tinu fit poberitu e non cheriat pagare sos *diritos de segreteria* prò su documentu chi fit pedinde e, teniat rasone. Su secretariu e s'iscrianu de su tempus bi proponen de fagher s'arbure in s'uffiziu. Sena bi pensare duas bortas, tziu Tinu si che pigat a susu de sa mesa chi (a sos tempos) faghiat de iscriania e faghet s'arbure, prima teteru che fuste, poi movinde lestru-lestru sas ancas chi pariant pedalande subra una brizicheta. Cumentu che pasca si ch'est andau cun su documentu in buzaca, ma pagau a mesapare dae su Secretariu e dae chie fit impreau a faghet sas cartas d'identidade.

6. Marzeddu Giovanni Antonio (tziu Zuann'Antoni s'Uarchesu), est ateros tempos naschiu in sa idda de 'Uarche su 21 'e Santuaini 1881 e mortu in sa zitade de Iglesias s'11 'e Nadale 1981. Est benniu a Sedilo dae zovaneddu e s'est isposau cun sa sedilesa Maria Zuanna Bellu su 23 de Sant'Andria 1816 e isfiudau su 15 'e Maju 1931. Pagos meses prima de morrer sich'est andau a biver in domo de unu fizu emigrau a Iglesias prò motivos de triballu.
7. Putzulu Maria Gavina (tzia Bainza), est naschia in Sedilo su 24 'e Santuaini 1890 e morta su matessi in Sedilo su 10 de Sant'Andria 1992. Fiuda de tziu Boranzelu Deriu, biviati in *correla Santu Pedru*, ma antigamente cussu tretu si naraiat *correla Greca*.
8. Carboni Antonio Basilio, est naschiu in Sedilo su 25 de Austu 1891 e mortu su 5 'e Frearzu

1995 in Sedilo etotu. Fiudu de tzia Maria Rosaria Crabone, biviati in *correla Dottori*, ma est mortu in domo de una de sas fizas in *Cursu Eleonora*. Est sa persona ch'in Sedilo est bivia prus a longu de totugantos: 103 annos 6 meses e 20 dies.

9. Meloni Maria Pietruccia (tzia Pedruzza), est naschia sa prima die de Frearzu 1900 in Sedilo e morta in Sedilo matessi su 22 de Lampadas 2001. Fiuda de tziu Ballole Pes (Metallu) biviata in *sa correla Manna*, ma sos urtimos annos de vida est semper istada in *correla 'e Santa Ittoria*, in domo de una de sas fizas.
10. Nanu Salvatorica (tzia Boredda Nanu), est naschia in Sedilo sa die 8 'e Austu 1903. Fiuda de tziu Pedru Mula bivet in *sa correla Manna*. Dae cernente podimos cuntrastare tzia Boredda est s'unica persone bivente oe in Sedilo chi c'hapat brincau sos chent'annos.

In s'ispera de conoscher tantas ateras personas chi hapan longa vida comente a sas deghe chi amos annotau, namos ch'in Sedilo oe in die tenimos parizos omine e parizas feminas chi tenent prus de norant'annos e prò esser prus prezisos sun treghi omine e treghi feminas. Ma ateros duos omine e un'atera femina lompen sos noranta intro su mese 'e cabudanni de ocanu. Un'atera curiosidade: senza tenner contu de tzia Boredda Nanu ch'est prò lomper sos chent'e unu, su prusu anzianu de sos omine est frade de sa prus anziana de sas feminas. Issu est de sa classe 1906, sa sorre est naschia s'annu 1909.

*A chent'annos totugantos
cun amor 'e cun salute
e bundantes de virtude
cun meritos e cun vantos.*

IMPIANTI ELETTRICI
CLIMATIZZAZIONI

Carta Salvatore

VENDITA ELETTRODOMESTICI
ASSISTENZA

Piazza Regina Margherita, 9
Tel. 0785.59102 - SEDILO

RISTORANTE - PIZZERIA

Alcatraz

Menù turistico
Pizze da asporto

Strada Su Pranu - Tel. 0785.59600
(f.te Centro Polivalente) - 09076 SEDILO (OR)
Sito Internet: web.tiscali.it/alcatrazristopizza